





E PLUMA DI CARNAVAL

Diabierna awor tin eleccion di reina y princesita di Sint Paulus School



— Diabierna awor lo bay tin un tremendo eleccion di reina y princesita na St. Paulus School. E eleccion ta poni pa cuminsa di 6'or di atardi pa 9'or di anochi na St. Paulus School mes. Lo bay tin presentacion di Easy Z, Queen Yvy, Sonic Boom, Queen B, Shocking Vibes, Queen Glandra, Wuk up Star y tumberito Georvin Angela.

E candidatanan cu lo participa ta:

- ONDERBOUW**
- 1a Richella Robles de Medina
 - 1b Zahira Mohamed
 - 2a Taheja Brown
 - 2b Shiyah Mohamed
 - 3a Angelina Canegi-

eter
3b Amylaine Wong

5a Naydjedska Pieter
5b Xianedy Quandt
6a Tishanti Bijlhout
6b Jatania Alexander
For di awor exito na tur e participantenan.

BOVENBOUW
4a Raisheline Evertsz

Historia di carnaval di Aruba ta skirbi caba

Parti 1

Carnaval

Carnaval ta un fiesta internacional y ta wordo celebra den hopi paisnan segun nan custumber. Den principio, carnaval a wordo celebra den clubnan priva. Na Aruba esaki tambe tawata e caso. Prome cu añanan 1940 tawata celebra carnaval cu entre otro fiesta di disfras, y di mascarada. Despues a eligi reina, prins y ultimo pancho. E reina cu sali esun di teritorio di Corsou, ta bai entre otro Cuba pa e eleccion di reina di carnaval internacional. Den e gran mayoria di paisnan tawata toca musica folklore, y esaki tambe tawata e caso pa Aruba. Gruponan tawata toca tumba, danza, wals, caha di orgel. Esaki tawata e caso paso casi no tawatin comunicacion y e medio pa scucha cantica di otro paisnan. Na aña 1954 Aruba a haya su prome radio emisora y prome cu esey algun hende so tawatin fonograf y disco.

Carnaval di masa den Caribe Hulandes a cuminsa na 1964 na St. Eustatius (21km²), na Saba (13 km²) 1975, na St. Maarten (34 km²) den añanan 70, na Corsou (444 km²) 1971 y na Aruba (181km²) 1954. Na Aruba ya caba na 1953, Club Tivoli tawatin flota cu ta pasa den camindanan di Oranjestad y na Santa Cruz a core tras di e reina cu ta den

auto capa baha, den algun caminda. Tur esakinan ta forma di parada. Na 1954 carnaval di masa a bira oficial na Oranjestad. Tur hende por a participa den diferente grupo. Como 4 aña despues San Nicolas a conoce su prome parada. E echo cu pa celebra cabamento di di dos guerra mundial cu un parada, no ta argumento pa bisa cu e prome parada a wordo teni na San Nicolas. E intencion di e parada ey, no tawata carnaval. Ta importante pa remarca cu Lago a bin Aruba y trahadonan a bin di afo Aruba pa traha. Aruba ya caba tawatin su tradicion, custumbernan y cultura. Den e face organizatorio, ya caba na Aruba tawatin clubnan priva cu su miembronan. Organizamento, tawata den crecimiento na Aruba. Paso ni St. Eustatius, Saba y ni St. Maarten tawatin carnaval prome cu Aruba, habitantenan di e islanan aki no por a trece carnaval na Aruba. San Nicolas a pasa den e desaroyonan cu resto di Aruba a pasa aden. San Nicolas hunto cu Savaneta ta forma e di 4 distrito di Aruba. San Nicolas ta un distrito mas di Carnaval y no "E" distrito.

Relato skirbi pa Celia Thiel, sociologa
2 di februari 2020